



Tsab Cai Ua Kom Nyiaj Tsis Txhob Poob Nqis Rau Cov Neeg Ua Liaj Ua Teb Uas Tau Raug USDA Muab Lawv Cais Saib Ntaus Nqi Txawv Lwm Cov Neeg Nyob Hauv USDA Cov Kev Pab Cuam Rau Kev Txais Nyiaj Rau Cov Neeg Ua Liaj Ua Teb (Inflation Reduction Act Assistance for Producers Who Experienced Discrimination in USDA Farm Loan Programs)

(Zaum Muab Kho Dua Tshiab Tag Los No 5/15/2023; mus saib ntawm <https://www.farmers.gov/22007> yog xav paub cov lus uas peb muab kho dua tshiab.)

Cov Ntsiab Lus Qhia Dav Dav

Tshooj Cai 22007 ntawm tsab cai Inflation Reduction Act (IRA), uas Thawj Tswj Hwm Biden tau kos npe rau thaum Lub Yim Hli 2022 yeej npaj muaj \$2.2 billion nyiaj koj mus pab cov neeg ua liaj ua teb, cov neeg yug tsiaj yug txhuv, thiab cov neeg muaj hav zoov uas lawv tau raug USDA muab lawv cais saib ntaus nqi txawv lwm cov neeg nyob hauv USDA txoj kev txais nyiaj rau cov neeg ua liaj ua teb ua ntej Lub Ib Hlis, Tim 1, 2021.

USDA tau teem ib cov kev sib sau koj los mloog thiab nug pej xeeb txog qhov kev pab cuam kom cov neeg ua liaj ua teb, cov neeg tawm suab rau txoj kev ua liaj ua teb, cov tsev kawm ntawv qib siab, cov kws sau kev cai lij choj, cov neeg tswj hwm tib neeg qhab, thiab lwm cov neeg paub txog kev ua liaj ua teb muaj cim fim los mus tawm suab. USDA yeej tau npaj hais tias lawv yuav muab nyiaj pab rau cov neeg ua liaj ua teb ua ntej xyoo 2023 xaus.

Tam Sim No Peb Ua Txog Qhov Twg Lawm

Tom qab muab pej xeeb cov lus koj los xav tag, thaum Lub Peb Hlis 2023, USDA tau muab tus qauv ntawm qhov kev pab cuam koj los tshaj tawm rau pej xeeb paub. Tsab cai IRA hais tias qhov kev pab ntawm no yeej yog ib qhov uas yuav tsum tau muab rau ib cov neeg khiav hauv lwm uas lawv tsis yog neeg ua hauv lwm rau tsoom fww los mus ua cov neeg uas yuav muab cov nyiaj ntawm no koj mus pab cov neeg ua liaj ua teb uas lawv cov qoob loo tau muaj teeb meem.

USDA tseem tab tom muab qhov kev khiav hauv lwm rau qhov kev pab cuam ntawm no koj los sib tham nrog ib cov lag luam uas lawv, koom tes ua, yuav yog cov los khiav hauv lwm zoo li ib tus neeg tuav qhov kev pab cuam nyob thoob plaws hauv lub teb chaws thiab yuav tsa muaj plaub lub chaw khiav hauv lwm nyob rau tej cheeb tsam los mus tshaj kom neeg pab thiab los khiav cov ntawv thov uas cov neeg ua liaj ua teb xa tuaj.

Peb tseem tsis tau qhib rau neeg mus zwm cov ntaub ntawv thov. USDA thiab cov lag luam tseem tab tom sib koom tes los mus xyuas kom meej hais tias txoj kev yuav mus zwm ntaub ntawv thov yeej yog ib txoj uas neeg yuav mus ua tau yooj yim thiab xyuas kom meej hais tias lawv yeej muaj kev pab rau cov koom haum. Cov ntawv thov qhov kev pab cuam ntawm no yeej yog ib cov uas neeg yuav mus zwm tau dawb, thiab lawv yeej tsis tag yuav siv ib tus kws lij choj koj los pab lawv ua cov ntaub ntawv li.

USDA yeej xav kom cov lag luam mus koom tes nrog ib cov koom haum uas lawv yeej tau khiav hauv lwm rau phab ua liaj ua teb los lawm thiab lawv yeej koom tes nrog thiab sawv cev cov neeg ua liaj ua teb, thiab lawv yeej muaj kev khiav hauv lwm nrog USDA. Cov koom haum los sis cov neeg muaj ntawv cog lus nrog cov lag luam ntawm no yog cov koom haum uas yuav mus tshaj tawm kom neeg paub thiab yuav pab khiav ntaub ntawv rau cov neeg uas lawv ntxim yuav tsim nyog tau cov nyiaj pab ntawm no.

Ntxiv rau qhov ntawm no, USDA yeej tseem yuav nrhiav lwm cov koom haum los sis neeg koj los pab tshaj tawm kom neeg paub thiab koj los pab cov koom haum, kom cov neeg uas lawv xav mus thov qhov kev pab cuam ntawm no paub thiab muaj cib fim mus thov.

Cov lag luam uas yuav los khiav cov ntawv thov yog muaj Midtown Group, uas yuav los ua tus tuav qhov kev pab cuam nyob thoob plaws hauv teb chaw Meskas; Windsor Group, uas yuav los ua tus pab cov neeg ua liaj ua teb nyob rau ib cheeb tsam ntawm phab hnub tuaj hauv Teb Chaws Meskas; thiab Analytic Acquisitions, uas yuav los ua tus pab cov neeg ua liaj ua teb nyob rau ib cheeb tsam ntawm phab hnub poob. Tag nrhov 3 lub koom haum ntawm no yeej tau khiav dua cov dej num uas yuav tau muaj neeg paub txog cov hauv lwm ntawd, cov hauv lwm pab cov koom haum uas tau ntawv cog lus los khiav hauv lwm rau tsoom fww, thiab USDA cov kev pab cuam.

Yuav Muaj Dab Tsi Ntxiv Tom Ntej

Tsis ntev tom ntej no, peb yuav muaj cov lus qhia meej hais txog txoj kev ua cov ntaub ntawv thov thiab saib cov neeg ua liaj ua teb yuav mus ua tau cov ntaub ntawv thov thaum twg.

USDA yeej npaj hais tias peb yuav muab nyiaj pab rau cov neeg ua liaj ua teb uas lawv cov qoob loo muaj teeb meem ua ntej xyoo 2023 xaus. Peb yuav muab cov los qhia ntxiv koj mus tso rau ntawm <https://www.farmers.gov/22007> yog thaum twg peb muaj.

Mus Kawm Kom Paub Ntxiv

Nyob rau cov lim piam tom ntej no, peb yuav muaj cov lus qhia meej hais txog txoj kev ua cov ntaub ntawv thov thiab saib cov neeg ua liaj ua teb yuav mus ua tau cov ntaub ntawv thov thaum twg nyob rau ntawm <https://www.farmers.gov/22007>. Yog muaj lus nug ntxiv, thov sau email mus rau askusda@usda.gov.

Yuav ua li cas yog koj tab tom raug USDA muab koj cais saib ntaus nqi txawv lwm cov neeg tam sim no nyob hauv USDA cov kev pab cuam los sis yog koj xav mus nrhiav ib cov lus teb hais txog ib cov lus tsis txaus siab uas koj tau zwm tag lawm?

Yog koj tab tom raug USDA muab koj cais saib ntaus nqi txawv lwm cov neeg tam sim no, koj yuav nug tau mus rau **Office of Assistant Secretary for Civil Rights (OASCR) at <https://www.usda.gov/oascr/filing-program-discrimination-complaint-usda-customer>**, Information Research Service, ntawm (866) 632-9992 (tus xov tooj hu dawb) los sis sau email mus rau Office of the Assistant Secretary for Civil Rights ntawm CR-INFO@usda.gov.

Cov tib neeg uas lag ntseeg, tsis hnob lus zoo, los sis hais tsis tau lus yeej hu tau xov tooj mus rau OASCR uas yog siv Tsoom Fww Txoj Kev Hu Xov Tooj Tsis Hais Lus (Federal Relay Service) yog lawv ntaus 711. Cov tib neeg uas lawv xav kom siv Lus Mev, lawv yeej hu tau (800) 845-6136.

USDA Tus Neeg Tuav Ntaub Ntawv Tom Vilsack:

"Cov nyiaj ntawm no yeej yog ib kauj ruam ntxiv nyob hauv txoj kev yuav taug mus kom muaj kev ncaj ncess thiab kom muaj ib lub USDA uas tsis muaj kev sib cais, muaj kev pab sib npaug zos rau txhua tus neeg. Los ntawm qhov kev pab cuam ntawm no thiab ntawm ib txoj kev pab nyiaj txiag uas yuav tsis muab ib tus neeg saib txawv ib tus neeg, thiab pab rau txhua yam, USDA yuav lees paub tej yam uas peb tau ua txhaum yav tag los thiab peb yuav qhib ib cov kev koj los ua kom cov neeg ua liaj ua teb, cov neeg yug tsiaj yug txhuv thiab cov tswv hav zoov uas lawv tau raug USDA muab lawv cais saib ntaus nqi txawv lwm cov neeg muaj cib fim los mus tawm suab.

"Nyob hauv kev npaj txoj kev pab nyiaj txiag ntawm no, peb lub hom phiaj yog los mus ua kom cov tib neeg uas lawv tsim nyog tau kev pab yeej muaj cov ntaub ntawv uas qhia txaus thiab lawv yeej nkag siab hais txog cov kev pab uas peb muaj rau lawv mus thov, qhia txog qhov hais tias saib lawv yuav mus thov li cas, thiab qhov hais tias saib USDA yuav pab tau li cas nyob rau txhua kauj ruam. Thaum peb tab tom muab tag nrho peb cov kev pab cuam kho kom muaj rau txhua tus neeg sib npaug zos, kom neeg mus siv tau yooj yim thiab kom paub hais tias yog muab koj mus siv tag zoo li cas, peb yeej siv tib cov tswv yim ntawm no koj los ua kom txhua tus Pej Xeeb Meskas paub hais tias lawv yuav ua li cas es lawv thiaj li yuav siv tau USDA cov kev pab sub peb thiaj li yuav tiv thaiv tau kom tsis txhob muaj kev tsis koob pheej ntau thiab tsim ib cov kev ntseeg siab nrog People's Department mus rau yav tom ntej."